



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)**
SETIAUSAHA AKHBAR

7 FEBRUARI 2022 (ISNIN)



KERATAN AKHBAR DAN MEDIA ONLINE (KPDNHEP)

7 FEBRUARI 2022 (ISNIN)

Harga siling runcit ayam RM8.90 bukti kerajaan prihatin masalah rakyat

Pengguna lega, sambut baik

Oleh HAKIMI ISMAIL
hakimi.ismail@mediamula.com.my

PETALING JAYA: Langkah kerajaan memperkenalkan subsidi harga ayam memberi khabar gembira kepada rakyat negara ini ketika rata-rata masih ramai mengeluh mengenai kenaikan kos sara hidup.


Penetapan harga baharu runcit ayam pada harga RM8.90 sekilogram yang diputuskan Mesyuarat Khas Majlis Tindakan Sara Hidup Negara (NACCOL) bermula kelmarin disambut baik masyarakat.

Tinjauan Utusan Malaysia di Pasar Chow Kit semalam mendapati, kebanyakan peniaga menjual ayam pada harga RM8.90 sekilogram sebagai aman harga maksimum runcit bagi ayam standard yang disarankan oleh pihak berkuasa.

Walaupun langkah kerajaan mengumumkan harga maksimum bagi ayam standard dikurangkan 20 sen itu tidak banyak, ia sudah mampu mengukir senyum di bibir pengguna yang ditemui Utusan Malaysia.

Rata-rata pengguna mengucapkan terima kasih kepada kerajaan kerana prihatin dengan nasib rakyat ketika ini yang berdepan pelbagai kenaikan.

Menurut Mohd Arif Khan Sumitro, 36, langkah yang diambil kerajaan itu memang ditunggu-tunggu oleh pengguna kerana ketika ini memandangkan harga ayam melambung tinggi sejak akhir akhir ini.



LANGKAH peniaga meletakkan tanda harga di gerai meyakinkan pelanggan bahawa peniaga mematuhi harga maksimum ayam yang ditetapkan oleh kerajaan. - UTUSAN/MUHAMAD IQBAL ROSLI

Katanya, walaupun harga yang ditetapkan hanya berkurangan 20 sen iaitu menjadi RM8.90 sekilogram ketika ini, ia tetap membantu pengguna terutamanya bagi yang membeli dalam kuantiti yang banyak.

"Bagi saya langkah ini dapat menggembirakan rakyat dan sekurang-kurangnya ada penurunan berbanding harga lebih RM9 sebelum ini. Jika boleh, saya cadangkan kerajaan dapat mengawal lagi harga untuk bantu rakyat."

"Saya beli ayam ini seminggu

sekali, memang harga melambung tinggi sebelum ini. Penjual ada maklumkan harga naik sebab kos di ladang, kita sebagai sememangnya mengeluh, jadi sekarang boleh senyum sedikit.

"Setiap kali beli ayam, saya akan ambil dua hingga ke tiga ekor untuk bekalan seminggu, jadi apabila turun 20 sen itu agak banyak juga penjimatkan yang saya dapat. Jadi, saya ucapkan terima kasih kepada kerajaan," katanya ketika ditemui semalam.

Media sebelum ini melaporkan, harga maksimum runcit bagi

ayam standard dikurangkan 20 sen daripada harga siling yang ditetapkan iaitu RM9.10 kepada RM8.90.

Harga runcit RM8.90 ini merupakan penurunan kali ketiga selepas ditetapkan pada RM9.50 semasa Perayaan Deepavali, RM9.30 ketika Skim Harga Maksimum Keluarga Malaysia (SHMKM) dari 7 hingga 31 Disember tahun lalu dan RM9.10 semasa SHMKM dari 1 Januari hingga 4 Februari lalu.

Kerajaan menetapkan harga siling runcit ayam itu

berkuat kuasa kelmarin setelah berakhirnya SHMKM sehingga sebelumnya dan harga ini kekal sehingga 5 Jun depan iaitu selama 121 hari bagi menjamin kestabilan harga ayam dan juga harga makanan lain yang berkaitan.

Seorang lagi pengguna, Wahab Hamdan, 39, berkata, harga ayam yang ditetapkan RM8.90 sekilogram bermula kelmarin itu lebih baik jika dibandingkan dengan harga-harga yang tidak stabil sebelum ini.

"Sebelum ini, tengok harga ayam pun 'takut' sebab sangat tinggi, sekarang RM8.90 sekarang boleh dikatakan stabil dan saya harap akan turun lagi seperti mana harga-harga yang rendah dahulu," katanya.

Sementara itu, Musrifah Mustar, 29, mengucapkan terima kasih kepada kerajaan dan berharap harga ayam dapat dikekalkan ataupun lebih rendah lagi selepas tamat tempoh penetapan pada Jun nanti.

"Kalau boleh turun sedikit lagi saya rasa lagi baik, tetapi saya tetap bersyukur dengan harga yang ditetapkan sekarang. Langkah ini sangat membantu pengguna untuk membeli barang yang diinginkan."

"Saya juga berharap kerajaan dapat mengawal harga barang-barang lain yang ketika ini boleh dikatakan naik mendadak. Ada juga barang naik harganya sehingga tidak masuk akal sehingga membebani pengguna," katanya.

Penjual ayam akur harga yang ditetapkan kerajaan

PETALING JAYA: Harga ayam tetap dijual RM8.90 sekilogram, walaupun masih berlaku masalah kekurangan bekalan di beberapa tempat.

Tinjauan *Utusan Malaysia* di Pasar Chow Kit mendapat, kebanyakannya peniaga menjual ayam pada harga maksimum runcit bagi ayam standard yang disarankan oleh kerajaan.

Seorang peniaga yang ingin dikenali sebagai Hussin berkata, walaupun pembekal masih tidak menurunkan harga, dia tetap menjual pada harga RM8.90 sekilogram sejak kelmarin.

Ketika ini katanya, para peniaga berdepan masalah dengan kekurangan bekalan ayam



HUSSIN



SAZALI ABD LATIF

dan pembekal juga tidak dapat menyediakan ayam mengikut tempahan.

"Sejak kelmarin, saya jual pada harga RM8.90 sekilogram. Buat

masa ini, pembekal masih tidak turunkan harga. Mahu atau tidak, kita perlu akur dan jual pada harga yang ditetapkan.

"Untung sedikit sahaja jika,

tidak banyak. Tetapi masalahnya, kita kekurangan bekalan ayam dan saya berharap perkara ini tidak akan berpanjangan," katanya ketika ditemui semalam.

Media sebelum ini melaporkan, harga maksimum runcit bagi ayam standard dikurangkan 20 sen daripada harga siling yang ditetapkan kepada RM8.90 berbanding RM9.10 sebelum ini.

Perdana Menteri, Datuk Seri Ismail Sabri Yaakob dilaporkan berkata, pelaksanaan harga maksimum ayam itu bermula kelmarin sehingga 5 Jun 2022.

Sementara itu, seorang lagi penjual, Sazali Abd. Latif berkata, walaupun memperoleh keuntungan sedikit, dia tidak mahu

mempersoalkan perkara itu demi menjaga pelanggan.

"Jika harganya begitu saya buktikan sahaja demi para pelanggan, kita sebagai penjual sebenarnya tidak menerima keuntungan yang banyak kerana pembekal masih berikan harga sama."

"Saya lihat pelanggan juga bertambah apabila harga turun, maknanya pembeli sudah kembali ramai seperti sebelum ini dan situasi itu turut menggembirakan kami sebagai penjual."

"Saya juga berharap, kerajaan dapat memantau harga di peringkat pembekal kerana kadang-kadang terlampaui tinggi dan dalam hal ini, kita sebagai penjual menjadi mangsa," katanya.



KPDNHEP Melaka melakukan pemeriksaan di lebih 50 lokasi melibatkan pasar, pasar tani dan pasar raya di seluruh negeri itu dan mendapat bekalan mencukupi. - UTUSAN/RASUL AZLI SAMAD

Hanya Pasar Awam Melaka kurang ayam

MELAKA: Kekurangan bekalan ayam segar di Pasar Awam Melaka di sini, bukan disebabkan penurunan harga RM8.90 sekilogram atau isu di peringkat penternak, sebaliknya sikap peniaga yang terlalu bergantung kepada satu pemborong.

Pengarah Perdagangan Dalam Negeri dan Hal Ehwal Pengguna Melaka, Norena Jaafar berkata, hasil siasatan penguat kuasa mendapati, kekurangan bekalan itu hanya berlaku di pasar awam berkenaan.

Katanya, situasi itu menggambarkan rata-rata peniaga ayam di pasar tersebut tidak mempelbagaikan pemborong dan bergantung kepada satu pemborong sahaja.

"Penguat kuasa kementerian telah membuat siasatan berhubung kekurangan ayam segar di pasar itu dan kita dapat

kesemua peniaga mendapatkan bekalan daripada satu pemborong yang sama.

"Pasar awam dan pasar raya di tempat lain bagaimanapun tidak mengalami kekurangan bekalan ayam," katanya ketika dihubungi *Utusan Malaysia*.

Menurut Norena, pihaknya melakukan pemeriksaan di lebih 50 lokasi melibatkan pasar, pasar tani dan pasar raya seluruh negeri.

"Kita juga dapat semua peniaga ayam patuh dengan harga standard baharu yang ditetapkan iaitu RM8.90 sekilogram," katanya.

Terdahulu, *Utusan Malaysia* melaporkan, peniaga ayam segar di Pasar Awam Melaka terpaksa menyorokkan barang jualan di bawah meja bagi mengehadkan pembelian, susulan jumlah bekalan didakwa susut sehingga 50 peratus.

Tindakan tegas jual ayam lebih harga maksimum

KPDNHEP buat pemeriksaan, pastikan peniaga patuhi peraturan

Oleh Rafidah Mat Ruzki
fidahruzki@bh.com.my

Putrajaya: Kementerian Perdagangan Dalam Negeri dan Hal Ehwal Pengguna (KPDNHEP) tidak teragak-agak mengambil tindakan tegas terhadap peniaga yang gagal mematuhi peraturan membatkan pencatutan harga

barang yang ditetapkan kerajaan.

Pengarah Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP) Azman Adam, berkata Bahagian Pengaukuasaan Kementerian itu sentiasa menjalankan pemeriksaan bagi memastikan semua pihak mematuhi harga maksimum barang yang ditetapkan.

"Mana-mana peniaga melakukan kesalahan akan diambil tindakan mengikut Akta Kawalan Harga dan Antipencatutan 2011 dan boleh dikenakan penalti."

"Bagi kesalahan menjual barang harga terkawal melebihi harga maksimum, peniaga indi-

vidu boleh didenda oleh mahkamah sehingga RM100,000 atau dikenjarakan tidak melebihi tiga tahun atau kedua-duanya atau dikompaun sehingga RM50,000.

"Syarikat yang berbuat demikian pula boleh didenda sehingga RM500,000 atau dikompaun sehingga RM250,000," katanya kepada BH, semalam.

Beliau mengulas laporan media mengenai peniaga di Pasar Awam Lebuh Cecil di Pulau Pinang yang mendakwa terpaksa menjual ayam mentah pada harga RM12 sekilogram sejak beberapa hari lalu berikutkan kekuatan bekalan.

Memetik seorang peniaga yang enggan dikenali, laporan berke-

naan menyatakan individu terbabit menjual bahagian ayam yang sudah dipotong pada harga berkenaan mengikut berat dan keinginan pelanggan, selepas dua hari pembekat tidak menghantarkan bekalan.

Mesyuarat Khas Majlis Tindakan Sarawak Hidup Negara (NACCOL) mengenai Industri Pengeluaran Makanan, sebelum ini memutuskan harga runcit maksimum bagi ayam standard dikuangkan 20 sen kepada RM8.90 daripada harga siling RM9.10 sekilogram.

Sementara itu, Azman yang mengakui sudah dimaklumkan mengenai aduan di Pulau Pinang itu, berkata, orang ramai yang

• Mana-mana peniaga yang melakukan kesalahan akan diambil tindakan mengikut Akta Kawalan Harga dan Antipencatutan 2011 dan boleh dikenakan penalti

Azman Adam,
Pengarah
Penguat
Kuasa
KPDNHEP



mempunyai maklumat berhubung perkara itu boleh melapor kepada pihak KPDNHEP melalui saluran disediakan.

Selain itu, beliau berkata, pihaknya sudah mengarahkan penyuatuasa menyalas perkara berkenaan.

Peniaga beri pelbagai alasan gagal seragam harga

Kuala Lumpur: Penetapan harga siling baharu ayam proses pada kadar RM8.90 sekilogram mulai kelmarin, masih gagal menyragamkan harganya di seluruh negara.

Walaupun ada peniaga menjual di bawah paras siling serendah RM8.20/kg, tinjauan mendapati ada peniaga menjualnya melebihi kadar ditetapkan dengan alasan tersendiri.

Peniaga di Pasar Besar Alor Setar, Mohd Zahir Zainal Abidin, 68, berkata beliau mampu menjual pada harga RM8.20/kg kerana mendapat bekalan pada harga yang murah daripada peternak.

Katanya, beliau tidak menaikkan harga mengikut paras siling kerana tidak mahu membebani pelanggannya yang kebanyakannya terdiri golongan berpendapatan rendah.

"Saya dapat bekalan ayam daripada empat pembekal termasuk seorangnya anak angkat saya. Harga mereka beri memang rendah, jadi saya dapat jual pada harga yang murah, namun keuntungan saya juga tidak tinggi iaitu hanya 60 sen setiap satu kilogram (kg)."

"Walaupun tahu ada peniaga di sini kurang senang dengan harga saya jual, tetapi saya tetap teruskan kerana mahu meringankan beban pelanggan," katanya yang sudah 51 tahun berniaga ayam, ketika ditemui semalam.

Mohd Zahir berkata, selain jalan runcit, beliau turut menjual ayam secara borong kepada pelanggan seperti peniaga kecil serta membekalkan kepada kanan sekolah dan asrama.



Peniaga di Pasar Besar Alor Setar menjual ayam segar RM8.20 sekilogram.

(Foto Luqman Hakim Zubir/BH)

"Alhamdulillah, setiap hari saya dapat jual kira-kira 2,200 ekor ayam kepada pelanggan di pasar, selain ada juga yang diambil peniaga lain bagi dijual semula di kampung."

"Saya amalkan konsep ber-kongsi rezeki. Bagi saya semua perniagaan perlu ada keuntungannya, cuma beza untung banyak atau sedikit," katanya yang sudah 36 tahun berniaga di Pasar Besar Setar.

Tinjauan mendapati kebanyakan peniaga di Pasar Besar Alor Setar mematuhi harga siling runcit ayam pada kadar RM8.90 sekilogram yang ditetapkan Ke-

menterian Perdagangan Dalam Negeri dan Hal Ehwal Pengguna (KPDNHEP) mulai semalam.

Bagaimanapun, ada peniaga mengakui tersepit kerana terpaksa menurunkan harga ayam menyebabkan terpaksa meraih keuntungan tipis dalam jualan harian.

Peniaga, Wan Ahmad Fauzi Wan Ismail, 51, berkata dia terpaksa menurunkan harga ayam daripada RM9.20 kepada RM8.90 sekilogram kerana akur dengan arahan kerajaan.

Katanya, keuntungan tambahan 30 sen bagi setiap sekilogram ayam yang sepatutnya diperoleh

kini lebur, namun tetap perlu meneruskan perniagaan walaupun hanya untung tipis.

Sementara itu, tinjauan di pasar basah kawasan Pandan, Johor Bahru, pula mendapati kebanyakan peniaga ayam tidak mematuhi harga siling ditetapkan kerajaan, sebaliknya menjual 40 sen lebih mahal.

Peniaga ayam, Hafizul Mohamad, 40, mendakwa tersepit kerana menerima ayam segar pada harga yang tinggi iaitu RM8.10 sekilogram daripada pembekal, menyebabkan kebanyakannya tidak dapat mematuhi paras siling ditetapkan kerajaan.

"Peniaga menerima harga ayam segar RM8.10 sekilogram yang merangkumi kos pengangkutan sebanyak 50 sen setiap kilogram. Sebelum ini peniaga tak dikenakan kos pengangkutan."

"Bagaimana peniaga nak jual ayam segar pada harga RM8.90 sekilo sedangkan harga ayam sampaikan pun sudah RM8.10."

"Kami peniaga ayam makn tersepit kerana sudahlah stok ayam segar terhad, harga daripada pembekal pula tinggi, menyebabkan peniaga susah dapat pulangan modal dan untung kerana perlu membayar sewa premis, bil utiliti selain gaji kerja," katanya.

Sementara itu, Pengurus Persatuan Penjaja, Peniaga dan Pengusaha Keol Negeri Sembilan (PPPKNS) Cawangan Seremban, Mohamad Yusoff, menggesa pihak berkuasa perlu menyekat kegiatan dan manipulasi 'orang tengah' dalam usaha menstabilkan bekalan dan harga ayam mentah negara ini.

"Kegiatan mereka ini perlu dipantau dan disekat kerana diakini mempengaruhi bekalan dan harga ayam termasuk telur ayam dalam pasaran ketika ini."

"Ini dapat dilihat isu bekalan dan harga ayam bukan perkara baru, sebaliknya sudah berulang kali berlaku hingga mengundang masalah kepada ramai pengguna termasuk peniaga kecil," katanya.

Katanya, harga ayam di ladang tidak naik tetapi yang menaikkan harga barang keperluan itu adalah 'orang tengah', yang seterusnya memberikan kesan kepada pengguna.

Penetapan harga siling ayam standard beri kesan positif kepada perbelanjaan rakyat

Bantu ringan beban kos bertambah

PETALING JAYA – Penetapan harga siling runcit bagi ayam standard kepada RM8.90 sekilogram sememangnya ditunggu-tunggu seluruh rakyat negara ini terutamanya bagi isi rumah berpendapatan rendah atau B40.

Harga maksimum runcit yang dikurangkan 20 sen daripada harga siling yang ditetapkan RM9.10 sejak awal Januari lalu juga dianggap sudah memadai dan paling murah jika dibandingkan dengan RM10 sekilogram pada tempoh sama tahun lalu.

Rata-rata pengguna yang ditemui Kosmo! di beberapa negeri kini mampu menarik nafas lega sambil meluahkan rasa syukur dan gembira dengan langkah terbaik kerajaan itu yang dianggap dapat membantu mengurangkan beban mereka.

Seorang pengguna, Norhayati Mahmud, 58, dari **George Town**, **Pulau Pinang** berkata, harga kawalan ayam yang ditetapkan RM8.90 itu bukan sahaja memberi peluang kepada isi rumah kategori B40 tetapi mampu juga dibeli golongan miskin tegar.

"Harga kawalan ayam yang ditetapkan adalah yang paling murah dan berbaloi dibeli."

"Kami berasa lega sekarang, sekurang-kurangnya ia dapat meringankan beban belanja dapur sebab sebelum ini harga barang semuanya naik belaka, itu cabaran kami sekarang ni," katanya kepada Kosmo! semalam.



BAHAGIAN jualan ayam di pasar menjadi perhatian pelanggan untuk membeli pada harga yang murah.

Sementara itu, seorang suri rumah, Aina Mardhiah Abd. Halim, 39, pula memberitahu, ini adalah peluang terbaik untuk dia dan keluarganya menikmati hidangan ayam dua kali seminggu berbanding hanya sekali setiap bulan.

"Pendapatan bulanan suami yang tidak menentu memaksa kami dan lima anak menikmati hidangan ala kadar dan ayam hanya menjadi hidangan bulanan pada waktu gaji."

"Penetapan harga kawalan kali ini memang dinanti-nantikan



MOHD. ZAKI



RAMLAH

seluruh warga negara terutama yang bergaji rendah dan berharap banyak lagi barang keperluan

utama lain turun pada harga minimum," ujarnya.

Sementara itu, seorang

pengguna dari **Terengganu**, Mohd. Zaki Mohamed, 63, berkata, harga ternakan itu yang sebelum ini mencecah sehingga RM11 sekilogram telah menyusahkan ramai orang kerana ayam adalah antara makanan popular rakyat Malaysia.

"Ini berita gembira buat kami, tiada lagi masalah harga naik melampaui, terima kasih atas keprihatinan kerajaan membantu rakyat dalam ekonomi yang sukar sekarang ini," katanya ketika ditemui di Pasar Chabang Tiga, Kuala Terengganu.

Seorang lagi pengguna, Ramlah Mohamad, 67, pula berkata, disebabkan harga yang melambung, dia sudah lama tidak membeli ayam.

"Sebagai seorang pesara, makna mana yang termampu sahaja. Alhamdulillah, ayam sudah turun harga, jadi bolehlah kami beli ayam semula," katanya.

Selain itu, seorang penduduk **Kampung Sungai Manggis Banting, Selangor**, Mohd. Hisham Talib, 63, juga berkata, berita yang tular dalam media sosial mengenai harga barang akan terus naik pada bulan ini amat meresahkan beliau sebagai ketua keluarga yang bertanggungjawab membeli barang makanan di pasar.

"Saya berharap harga ayam standard sekilogram RM8.90 dapat dikekalkan harganya atau dikurangkan lagi pada masa depan," terangnya.



PENIAGA ayam di Pasar Awam Melaka mendakwa bekalan ayam diterima kurang 50 peratus semalam.

Bekalan ayam kurang bukan sebab harga turun

Jangan bergantung kepada satu pemborong

Oleh DIYANATUL ATIQAH ZAKARYA

MELAKA — Kekurangan bekalan ayam segar di Pasar Awam Melaka bukan disebabkan peningkatan harga RM8.90 sekilogram atau itu di peringkat penternak, sebaliknya sikap peniaga yang terlalu bergantung kepada satu pemborong.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Melaka, Norena Jaafar berkata, hasil siasatan yang dilakukan oleh pengawal kuasa mendapati, kekurangan bekalan itu hanya berlaku di pasar awam berkenaan.

Ujarnya, situasi itu menggambarkan rata-rata peniaga ayam di pasar tersebut tidak mempelajari bagaimana membentuk pasaran dan hanya

bergantung kepada satu pemborong sahaja.

"Pengawal kuasa KPDNHEP telah pun membuat siasatan berhubung kekurangan ayam segar di pasar itu dan kita dapat kesemua peniaga mendapatkan bekalan daripada satu pemborong yang sama.

"Pasar awam dan pasar raya di tempat lain bagaimanapun tidak mengalami kekurangan bekalan ayam," katanya ketika dihubungi pemberita di sini semalam.

Tambah Norena, pihaknya telah melakukan pemeriksaan di lebih 50 lokasi di pasar, pasar tani dan pasar raya seluruh negeri.

"Kita juga dapat semua peniaga ayam patuh dengan harga standard baharu yang ditetapkan iaitu RM8.90 sekilogram," ujarnya.

Semalam, peniaga ayam segar di Pasar Awam Melaka di sini dilaporkan terpaksa menyorokkan barang jualan di bawah meja bagi mengehadkan pembelian, susulan jumlah bekalan didakwa susut sehingga 50 peratus.

Seorang pemborong, Ke Jok Kwee, 60, berkata, dia terpaksa mencari bekalan ayam yang dipasarkan kepada peniaga di situ susulan bekalan diterima daripada pembekal di Serkam berkurangan kira-kira 35 peratus.

Ujarnya, pembekal beri alasan bekalan ayam kurang kerana kos penternakan semakin meningkat.

Ujarnya, ia dipercayai berpunca keputusan kerajaan menurunkan harga daripada RM9.50 sehingga kini RM8.90 sekilogram.

Jangan bergantung hanya satu pembekal

Melaka: Sikap peniaga bergantung kepada satu pembekal menjadi punca kekurangan bekalan ayam segar di Pasar Awam di Jalan Tun Fatimah, Bachang, dekat sini.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Melaka, Norena Jaafar berkata, sejak kelmanin, pihaknya membuat pemantauan rapi barang keperluan termasuk ayam dan mendapati isu itu tidak berlaku di pasar daerah lain.

"Satu Melaka kita dah pu-

“
Tiada masalah di pasar lain di Jasin dan Alor Gajah, kecuali di Bachang
Norena

sing...tiada masalah di pasar lain di Jasin dan Alor Gajah, kecuali di Bachang. Sudah banyak kali kita nasihat dan beri saranan supaya peniaga ambil bekalan ayam daripada pembekal lain juga.

"Mereka beri alasan sudah biasa ambil daripada satu pembekal sedangkan di Melaka pemborong banyak.

"Jika pembekal tidak mampu penuhi permintaan, peniaga kena ada alternatif. Tapi biasanya mereka tidak mahu ikut, susahlah dan kita tidak boleh paksa," katanya dihubungi.



ANTARA penjual ayam di Pasar Gunung Rapat.
Gambar NSTP BALOIS
JAZIMAH ZAHARI

HARGA AYAM RM8.90 SEKILOGRAM

Dapat jual lebih banyak kepada pelanggan

Ipoh: Kebanyakan penjual ayam di bandar raya ini ber-setuju dengan keputusan dan tindakan kerajaan menetapkan harga maksimum runcit bagi ayam standard RM8.90 sekilogram.

Penjual ayam di Pasar Gunung Rapat, Mohd Salleh Mohd Nor, 66, berkata, pengurangan harga ayam itu memberi kemudahan kepada mereka menjual lebih banyak ayam kepada pelanggan.

"Memang lagi baguslah harga turun lebih murah daripada harga yang ditetapkan sebelum ini."

"Kalau boleh turun hingga RM7.50 sekilogram itu lagi



Kalau boleh turun hingga RM7.50 sekilogram itu lagi baik, lagi senang kita hendak menjual"

Mohd Salleh Mohd Nor

baik, lagi senang kita hendak menjual," katanya ketika ditemui di pasar berkenaan di sini, semalam.

Mohd Salleh berkata, dia sedia maklum dengan penetapan harga baru itu

dan baru sahaja mendapat pekeliling berkenaan perkara itu.

"Dalam keadaan hari ini, pelanggan sebenarnya sudah tidak kisah dengan harga naik atau turun paling penting mereka dapat nak makan ayam," katanya.

Beberapa penjual ayam di pasar sama mengakui mereka juga sedia maklum dengan pengumuman perubahan harga itu.

Sementara itu, pembiaga kedai runcit di dalam pasar berkenaan yang hanya mahu dikenali sebagai Tan, 50, berkata, kedainya kehabisan bekalan telur ayam biasa

dan kini hanya menjual telur ayam kampung.

Katanya, dia juga sehingga kini masih belum mendapat pekeliling berkenaan penetapan harga baharu.

Sebelum ini media melaporkan, langkah intervensi kerajaan menetapkan harga runcit bagi ayam standard pada RM8.90 berkuat kuasa hari ini hingga 5 Jun dapat menjamin kestabilan harga ayam dan harga makanan berkaitan.

Harga telur ayam semua gred pula kekal seperti harga kawalan Skim Harga Maksimum Keluarga Malaysia (SHMKM) semasa.

Bila pengantin panik cari telur ayam



ANALISIS
MUKA 16

ANITA ABU HASAN

MUSIM orang kahwin, mesti nak buat bunga telur, tiba-tiba telur ayam tidak ada.

Nak buat bunga telur macam mana? Jujur, ini perasaan penulis yang sedang gusar jika telur ayam habis di semua tempat dan isu kekurangan sumber protein comel ini tidak selesai kerana saya memerlukannya dalam kuantiti banyak untuk bunga telur, hiasan pelamin.

Tetapi persiapan menyediakan bunga telur ini sedikit terganggu dek perasaan risau gara-gara isu kekurangan telur ketika ini.

Kisah penulis dengan telur ayam berpula kelmarin apabila misi mencarinya di tiga premis jualan sekitar Shah Alam tidak berhasil.

Kehabisan telur ayam bukan satu masalah biasa kerana ramai memerlukannya bukan sahaja untuk lauk harian tetapi bagi kegunaan lain termasuk menyediakan bunga telur.

Secara purata rakyat Malaysia menggunakan sekitar 30 juta biji telur ayam sehari. Ramai guna telur ayam!

Penulis baca di media, seorang wanita di Kerian, Perak terpaksa membeli stok bahan asas itu di Wangsa Maju untuk dibawa ke kampong gara-gara terputus bekalan telur ayam sejak seminggu lalu.

Seorang pemborong di Gopeng pula memberitahu, terpaksa mencari

bekalan telur ayam untuk memenuhi permintaan orang ramai kerana stok daripada pembekal berkurangan iaitu sekitar 3,000 hingga 9,000 biji telur sehari.

Kelihatan isu kekurangan telur ini seperti masalah kecil. Tidak ada telur, boleh makan sumber protein lain. Bukan begitu, misalnya masalah saya hadapi ketika ini berlaku cukup kebetulan kerana majlis persandingan berbaki kurang lima hari. Saya pula memerlukan bekalan telur yang banyak untuk membuat bunga telur dan beberapa hidangan lain untuk tetamu.

Di saat menjadi individu memerlukan telur ayam ketika ini, kekurangan stok satu perkara, dibimbangi harganya naik jadi masalah pertambahan kos asal membuat bunga telur.

Walaupun tidaklah masalah ini terlampaui menekan namun awalnya risau juga jika tidak dapat berjimat bagi penyediaan bunga telur.

Jaminan kerajaan

Bagaimanapun, kata-kata Perdana Menteri Datuk Seri Ismail Sabri agak melegakan. Harga sebiji telur di bawah Skim Harga Maksima Keluarga Malaysia (SHMKM) iaitu harga runcit sebiji telur ayam di Semenanjung ialah 44 sen bagi gred A, 42 sen gred B dan 40 sen bagi gred C. Harga bagi Sabah, Sarawak serta Labuan pula bergantung kepada kawasan. Pelaksanaan harga ini berkuat kuasa 5 Februari hingga 5 Jun 2022.

Tidak perlu risau lagi kerana Perdana Menteri menyatakan demikian selepas mesyuarat khas Majlis Tindakan Sara Hidup Negara (NACCOL).

Ini kisah saya. Namun orang ra-

mai boleh untuk tidak panik tahap melampau. Pegang saja kata-kata Kementerian Perdagangan Dalam Negeri dan Hal Ehwal Pengguna (KPDNHEP) yang memberijamin bekalan telur ayam akan kembali stabil tempoh terdekat.

Timbalan Menterinya, Datuk Rosol Wahid mengatakan, pemantauan, pemeriksaan dan kutipan data membabitkan 50 syarikat mewakili 80 peratus pengeluaran telur ayam di negara ini sudah dibuat.

Punca pun diketahui kekurangan telur ayam disebabkan beberapa faktor termasuk peningkatan pembelian sebelum, semasa dan selepas cuti Tahun Baharu Cina yang dijadikan stok selain masalah logistik di ladang kerana cuti panjang.

Apapun menteri sendiri jamin, isu telur selesai pada minggu akhir Februari ini.

Unjuran pengeluaran telur ayam bagi Januari 2022 sudah dinyatakan adalah 839,882,296 biji.

Kembali kepada punca masalah yang perlu kita fikir balik. Peningkatan permintaan dan pembelian telur ayam mendadak sebelum, semasa serta selepas cuti Tahun Baharu Cina dikenalpasti punca gangguan bekalan telur ayam, kata Pengarah Pengurusan Kuda KPDNHEP, Azman Adam kelmarin.

Oh, ini puncanya. Tahun depan boleh bersedia supaya isu telur tidak berulang. Cuti umum sempena Tahun Baharu Cina, ramai ambil kesempatan mengadakan kenduri kahwin.

Jangan sampai bakal pengantin panik cari telur ayam.

HARI : ISNIN
TARIKH : 7/2/2022
M/SURAT : 1



Peniaga tertekan,
pengguna gelisah
bekalan telur,
ayam kurang

12

Peniaga tertekan, pengguna gelisah

Rakyat mengeluh hadapi kekurangan bekalan ayam mentah dan telur

Oleh NORAZWANI YUSOF,
NURUL HIDAYAH HAMID, NOR
FARHANA YAACOB dan ASY-
IKIN ASMIN

SHAH ALAM

Isu kekurangan bekalan telur ayam dan daging ayam mentah sejak minggu lalu mengundang kegusaran seluruh rakyat Malaysia.

Sejak Januari lalu juga, pelbagai reaksi diluahkan oleh pengguna khasnya peniaga makanan berdasarkan telur dan ayam akibat kekurangan bekalan serta peningkatan harga di pasaran.

Di MELAKA, peniaga ayam di Pasar Awam Bachang di sini, mendakwa bekalan ayam mentah berkurangan sehingga tidak mampu menampung pembelian pengguna, bilaun harga siling ayam turun kepada RM8.90 se-kilogram.

Peniaga, Muhammad Akramin Syakirin Amin, 26, berkata, kebiasaan dia menjual sehingga 300 ekor ayam pada hujung minggu, namun kali ini hanya 100 ekor ayam boleh dijual.

Menurutnya, lebih mengejutkan apabila kesemua bekalan ayam mentah telah habis dijual pada jam 9 pagi, Sabtu lalu.

"Biasa pada hari Sabtu dan Ahad pengguna ramai datang



Mohd Fauzi memeriksa bekalan telur ayam yang baru diperoleh di Pasar Besar Alor Setar, Kedah pada Ahad.

membeli ayam.

"Namun kerana bekalan ayam yang kita dapat kurang berbanding jumlah sebelum ini, jadi pengguna terpaksa pulang dengan hampa," katanya.

Jamil Janel, 58, juga mengalami nasib sama apabila hanya dapat menjual organ dalaman ayam kepada pelanggan.

"Ayam yang ada terpaksa jual kepada peniaga makanan seperti nasi ayam, itu pun dia minta 40 ekor tapi saya dapat bagi 20 ekor sahaja," katanya.

Tinjauan di pasar raya termasuk Econsave Batu Berendam mendapati bekalan ayam masih sisa, sering membeli bekalan telur ayam untuk kegunaan keluarga setiap minggu.

Pengguna, Zaleha Abdul Manaf, 48, berkata, dia yang tinggal di Kuala Nerang dekat sini, sering membeli bekalan telur ayam untuk kegunaan keluarga setiap minggu.

Akuinya, stok bahan mentah itu di kebanyakan kedai habis dijual sejak seminggu lalu.

Tinjauan di pasar raya dan



AKRAMIN

MD NAQIB

kedai runcit mendapati bekalan telur ayam berkurangan dan kebanyakannya rak hampir kosong.

Pengguna, Zaleha Abdul Manaf, 48, berkata, dia yang tinggal di Kuala Nerang dekat sini, sering membeli bekalan telur ayam untuk kegunaan keluarga setiap minggu.

Akuinya, stok bahan mentah itu di kebanyakan kedai habis dijual sejak seminggu lalu.

"Setiap minggu, saya memang selalu beli telur ayam tetapi



Jamil hanya dapat menyediakan ayam mentah untuk pelanggannya.

pi sekarang ingin mendapatkan bekalan di kedai kampung pun tidak ada.

"Alhamdulillah, saya akhirnya dapat juga membeli sepanjang telur selepas mencari di merata-rata kedai," katanya.

Sementara itu, Pengerusi Pasar Besar Alor Setar, Mohd Fauzi Sharip, memberitahu bekalan telur ayam diterima berkurangan amat banyak berbanding sebelum ini.

Beliau yang juga peniaga runcit berkata, pembekal mengurangkan kira-kira 50 peratus bekalan telur kepada peniaga.

"Sebagai contohnya, saya akan mendapat kira-kira 100 papan telur ayam pelbagai gred daripada pembekal sebelum ini, bagaimanapun kini menerima lebih kurang 50 papan sahaja.

"Itu pun, kami menerima bekalan pada waktu tengah hari dan jika pengguna datang pada

waktu pagi memang telur tiada langsung," katanya.

Di SABAH, kekurangan bekalan telur ayam di Sipitang menyebabkan sejumlah peniaga makanan terpaksa menaikkan harga telur yang dimasak sehingga RM2 sebijik.

Peniaga makanan, Md Naquib Noor Ahmad, 39, mendakwa, selain terpaksa membelinya dengan harga yang jauh lebih mahal berbanding harga biasa, ada juga di kalangan mereka terpaksa ke sempadan negeri iaitu di Sindumin bagi mendapatkan telur ayam berkenaan.

"Kekurangan bekalan telur ayam sejak Januari lalu lagi sehingga kami terpaksa masuk ke kedai runcit di ceruk kampung atau ke Sindumin semata-mata mahu mendapatkan telur.

"Harga pula jauh lebih mahal antara RM16 hingga RM18 setiap satu papan," katanya.

SUARA KONTEMPORARI
Kosmo!

HARI : ISNIN
TARIKH : 7/2/2022
M/SURAT : 16

Senarai Harga Barang Kepertuan			
Ayam	RM8.90	Telur Cred A	RM12.45
Daging Lembu Tempatan	RM42.99	Ikan Kembung	RM15.90
Daging Lembu Import	RM28	Minyak Masak	RM6.38
Gula Pasir	RM2.85	Bawang Besar Holland	RM2.50
Bawang Putih	RM5.50	Cili Merah	RM9.59
Kubis Tempatan	RM2.79	Tepung Gandung	RM2.20

*Harga (RM/kg) Sumber: KPDNHEP